

ТОШКЕНТ ҲАҚИҚАТИ

2014 йил
12 март
ЧОРШАНБА
№ 21 (12657)

www.th.uz

1928 йил 11 декабрда асос солинган

Таълим

ЎРГАНИБ, ИЗЛАНМОҚ БАХТИ

Пискент агросаноат ва иқтисодиёт касб-хунар коллежида ўқишга талабгорлар кўп. Бу бежиз эмас. Туманда коллеж тайёрлаётган мутахассисларга талаб катта, уларга доим иш топилади.

Коллеж нафақат туман, балки вилоятда ўзига хос салоҳиятга эга. Япониялик мутахассислар Ўзбекистондаги таълим масканлари билан ҳамкорлик қилиш учун айнан мана шу коллежни танлашди. Бундан ўн йил илгари JBIS банкининг USB-P6 лойиҳаси доирасидаги грант маблағи ҳисобига лаборатория, устахона, физика, география, компьютер, рус ва инглиз тили, лингафон ва офис хоналари тўлиқ жиҳозланди. Ўқувчилар назарий ва амалий билимларни пухта эгаллашлари учун яна бир қулайлик яратилди. Лойиҳа доирасида қишлоқ хўжалик маҳсулотларини қайта ишлаш мени цехи қурилди. Ҳозир цехда томат пастаси, кетчуп, ҳар хил шарбат ва қиёмлар тайёрланмоқда. Яқинда эса, ўқувчилар қуюлтирилган ширин сўт ишлаб чиқариш соясини таклиф этишди. Технологик линиядан илк маҳсулот ҳам чиқди.

– Ҳозир коллежда 1407 ўқувчи 8 та мутахассислик бўйича таҳсил олмақда, – деди директор Те-



мур Азаматов. – Ўқувчиларимизнинг назарий билим олиш билан бирга амалиётда ҳам кўзлари пишяпти. Мини цехда ўзларини бўлажак мутахассис сифатида синаб кўриш имкони бор. Биз Президентимиз таъкидлаганларидек, мамлакатимизнинг эртанги ворислари кучли, билимли, доно ва албатта бахтли бўлишларини таъминла-

шимиз керак.

Ўқувчиларнинг қизиқишларини эътиборга олиб ҳамда дарсдан ташқари бўш вақтларини тўғри ташкил этиш мақсадида коллежда 15 та фан, мутахассислик ва спорт тўғраги ишлаб турибди. Турли фанлар бўйича ўтказилган олимпиадаларнинг туман ва вилоят босқичларида коллеж ўқувчилари фахрли ўринларни эгаллашади.

Ахборот-ресурс маркази доим ўқувчилар билан гавжум бўлади. Марказ 6 мингдан зиёд китоб фондига эга. Бу ерда турли адабиёт ва дарсликлардан ташқари, электрон китоблардан ҳам фойдаланиш мумкин. Шунингдек, коллеж ўқувчилари "В" ва "С" тоифа ҳайдовчилик курсларида имтиёзли ўқитилади. Коллеж ўқувчилари

спорт соҳасида ҳам анча фаол. Охирги дарсга кўнғирок чалинган, улар футбол, волейбол, баскетбол майдонлари ва спорт залига ошиқшади.

Хуршида МҮМИНОВА.
СУРАТДА: коллеж ўқувчилари ишлаб чиқариш цехида назарий билимларини мустаҳкамлашмоқда.
Еркебой БОТИРОВ олган сурат.

Мана, йигирма уч йилдирки, мамлакатимиз фуқаролик жамиятини барпо этиш йўлидан изчил одимламоқда. Йилдан-йилга қонунчилигимиз такомиллашиб бормоқда. 2013 йилнинг ўзида Ўзбекистон Республикаси Олий Мажлиси Сенати инсон ҳуқуқларини таъминлашга қаратилган бир нечта қонун қабул қилди. Мазкур қонунлар юртимиз тарақ-

қиёти ва халқимиз турмуш тарзи яхшиланишида муҳим роль ўйнайди, албатта. Айниқса, суд-ҳуқуқ соҳасидаги қонунлар ҳеч биримизни бефарқ қолдирмайди. Олий Мажлиси Сенатининг Қонунчилик ва суд-ҳуқуқ масалалари қўмитаси амалга оширган ишлар билан атрофлича танишиш мақсадида қўмита аъзоларини суҳбатга жалб этдик.

СЕНАТ:

ҚОНУНЧИЛИКДАГИ ФАОЛИЯТ САРҲИСОБИ

Светлана ОРТИҚОВА, Олий Мажлиси Сенатининг Қонунчилик ва суд-ҳуқуқ масалалари қўмитаси раиси: – Бугун мамлакатимиз

кучли фуқаролик жамиятини барпо этиш йўлидан дадил одимламоқда. Бунда истиқлолимизнинг илк давлариданоқ Президентимиз раҳнамолигида давлат ҳоки-

мияти ва бошқарувини ташкил этиш ва белгилаб олинган тамойиллар асосида иш юритилаётгани муҳим омил бўлмоқда.

(Давоми 2-бетда).

2014 йил – Соғлом бола йили

БУЮК ИШЛАРГА ҚОДИР ВОРИСЛАР

2014 йилнинг Президентимиз ташаббуси билан "Соғлом бола йили" деб эълон қилиниши ва унинг асосий мазмун-моҳиятини белгилловчи Давлат дастурининг қабул қилинишини халқимиз катта мамнуният билан қутиб олди.

Давлатимиз мустақилликка эришган илк давлариданоқ баркамол авлодни тарбиялаш давлат сиёсатининг устувор йўналиши этиб белгиланди. Шу йиллар мобайнида эртаимиз давомчилари замонавий билим ва касб-хунарларни пухта эгаллашлари учун муносиб шароитлар яратиш, иш билан таъминлаш ва тадбиркорликка йўл очиш, шунингдек, ёшларни жисмоний тарбия ва спорт билан мунтазам шуғулланишга кенг жалб этиш, соғлом турмуш тарзини тарғиб қилиш, вояга етмаганлар ўртасида ҳуқуқбузарлик ва жиноятлар содир этилишини олдини олиш каби долзарб, шу билан бирга кўламли вазифаларни қўзда тутувчи дастурлар изчил рўйга чиқарилаётир. Юксак маънавиятли,

мустақил фикрловчи, қатъий ҳаётий нуқтаи назар, кенг дунёқараш ва чуқур билимларга эга бўлган ватанпарвар йигит-қизларнинг янги, нақирон авлоди вояга етди.

Бу ҳақда гап борганда, Президентимиз илгари сурган "Соғлом она – соғлом бола" тамойили ҳаётимизга чуқур кириб, ўзининг самараларини бераётганини таъкидлаш жоиз. Мустақиллик йилларида мамлакатимизда оналар ўлими 3,1 баробар, гўдақлар ўлими 3,2 баробар, шунингдек, "Она ва бола скрининги" дастури шарофати билан турма нуқсонли болалар туғилиши 2000 йилдан буён 1,8 марта камайгани шундан далолат беради. Бугунги кунда фарзандаримизнинг 92 фоизи ривожланиш кўрсаткичлари

бўйича Жаҳон соғлиқни сақлаш ташкилоти стандартларига тўла мос келади. "Save the children" халқаро ташкилоти рейтингига кўра, Ўзбекистон дунёдаги болалар саломатлиги тўғрисида энг кўп гапмуҳаббат кўрсатадиган ўн та мамлакат қаторидан жой олди.

Президентимизнинг соғлиқни сақлаш, хусусан, оналик ва болаликни ижтимоий муҳофаза қилишга қаратилган Фармон ва қарорлари тўғрисида аёллар давлат бюджетидан қатори вилоятимизда ҳам она ва бола перинатал ҳамда скрининг марказлари самарали фаолият юритмоқда. Қишлоқ жойлардаги ҳомиладор аёллар давлат бюджетидан қатори вилоятимизда ҳам она ва бола перинатал ҳамда скрининг марказлари самарали фаолият юритмоқда. Қишлоқ жойлардаги ҳомиладор аёллар давлат бюджетидан қатори вилоятимизда ҳам она ва бола перинатал ҳамда скрининг марказлари самарали фаолият юритмоқда. Қишлоқ жойлардаги ҳомиладор аёллар давлат бюджетидан қатори вилоятимизда ҳам она ва бола перинатал ҳамда скрининг марказлари самарали фаолият юритмоқда. Қишлоқ жойлардаги ҳомиладор аёллар давлат бюджетидан қатори вилоятимизда ҳам она ва бола перинатал ҳамда скрининг марказлари самарали фаолият юритмоқда.

(Давоми 2-бетда).

Наврўз тадориғи

ҲИҶОНИНГ, БАҲОР КЕЛДИ!

*Ичиб бўлагач понуштаннинг чойини,
Ўғлим деди кияр экан пойини:
– Кўрсатсангиз ҳовлидаги жойини,
Юринг ота, бир жуфт кўчат эжайлик!*

*Хурсанд бўлдим, кўриб йигит шаштини,
Пайқабди у баҳорнинг чин гаштини,
Боғ қиламиз ҳовлимизнинг пастини,
Ҳар биримиз бугун кўчат эжайлик!*

*Қалдирғочлар эски уйин таъмирлар,
Чумоли ҳам кифтида юк, ғимирлар,
Туринг қўшини, кўкларда ким имиллар?
Кўчамизда бирга кўчат эжайлик!*

*Бошландику эрта Наврўз яласи,
Ободликнинг ҳозир айни палласи,
Ўрнак бўлсин, озод юрт маҳалласи,
Маҳалладош, юринг, кўчат эжайлик!*

*Қиш чекиниб, баҳор келди ниҳоят,
Шу баҳона кўнайса боғлар шояд,
Ҳиҷонсинда қишлоқ, шаҳар, вилоят,
Юринг юртдош, бир жуфт кўчат эжайлик!*

Тўғрич БЕК.

КЎКЛАМ, СЕНИ ЖУДА СОҒИНДИК

Бекатда беш-олти киши турувдик. Ҳамма ўз автобусини кутаяпти. Бир бола келиб, елкасидаги 30 тупча мевали даррах кўчатларини ерга қўйди, чуқур ўф тортай. Ҳамма унга қаради.

– Баҳор ҳам келди-я, – деди ўрта яшар киши кўчатлардан кўз узмай. – Шунча кўчатни қаерга олиб кетаясан, сотишганими? – деди бир қария. – Йўқ, уйга, бобом тайинлаганлар, бирга кўчат экамиз, – жавоб берди бола.

"Бобом билан кўчат экамиз". Бу гап мени сер-

гаклантирди. Кўчатларга қараб, олти йил аввалги бир воқеа хотирамда жонланди. 90 ёшли Қаюмбой ота ҳақида мақола ёзиш учун хонадонидан бўлгандик. У ховлиснинг чеккасида, қўлида теша билан чуқур қавлаётганди. Бир оёғи йўқ, урушда ташлаб келган.

(Давоми 2-бетда).

«Ташаббус – 2014»

ҲОЛИБЛАР – ВИЛОЯТ БОСҚИЧИГА

Ўзбекистон Республикаси Президенти соврини учун ўтказилаётган "Ташаббус" кўрик-танловининг Тошкент вилояти шаҳар ва туман босқичлари бўлиб ўтмоқда. Танловнинг Паркент тумани босқичида 31 нафар тадбиркор, фермер ва ҳунарманд иштирок этди.

Шу муносабат билан ташкил этилган тадбирда Президентимиз раҳнамолигида кичик бизнес ва хусусий тадбиркорлик ҳамда фермерлик ҳаракатини янада

ривожлантиришга алоҳида эътибор қаратиладигани таъкидланди. "Бахт" фермер хўжалиги ва "Анка" масъулияти чекланган жамияти раҳбарлари "Энг

яхши фермер" ва "Энг яхши тадбиркор", ҳунарманд Зулхумор Эрматова эса "Энг яхши ҳунарманд" деб топилди, танловнинг вилоят босқичида иштирок этиш ҳуқуқини қўлга киритишди.

Вилоятнинг бошқа шаҳар ва туманларида ҳам мазкур кўрик-танлов бўлиб ўтмоқда.

Ў.А.

Бу ҳақда вилоят ҳокимлик соатларида гапирилган эди



Зангиота туманига бораётгандик, автобусдаги икки аёлнинг суҳбати қўлоғимизга чалинди: – Болаимнинг олаётган билимидан қониқмаяпман, бунинг устига мактабдаги шароитлар ҳам яхшимас, бошқа мактабга ўтказсаммикан, деб ўйлаб қолдим. – Нимасини айтасиз, қўшини. Шу 37-мактаб ёнгинамиздалигини айтмас, камчилиги қўп...

Назарбек қишлоғи "Мевазор" маҳалласидаги 37-мактаб бир қарашда анча ободонлаштирилган кўринадди. Аммо атрофини бироқ айланиб, автобусдаги икки аёл бекорга қуюншимаганига амин бўлдик. Ўқувчиларнинг давомати билан кизиқдик. Деярли ҳар бир синфда дарсга келмаганлар бор. Масалан, 6-"А" синфда 2, 6-"Б" синфда 4 ўқувчи шу кунни мактабга келмаган бўлса, 5-"А" синфда 6 ўқувчи дарс қолдирган. Баъзи ўқитувчилар давомат дафтларини тўлдирмаган ҳам.

Тушгача 212, тушдан сўнг 188 ўқувчи ўқиши ҳисобга олин-

май қурилган шекилли, хожатхона анча чоғроқ. Устига-устак қўл ювиш учун сув йўқ. Дард устига чипқон деганларидек, мактабда тиббиёт хонаси ўрнига шунчаки, тиббий бурчак ташкил этилган.

– Яқинда хожатхона қуришни мўлжаллаяпмиз, – деди мактаб директорининг маънавий-маърифий ишлар бўйича ўринбосари Шухрат Сафаров. "Яқинда" деганда қанча муддат назарда тутилганини билмадигу-у, ҳар қалай, ўқувчилар санитария ва гигиена қоидаларига жавоб берадиган шароитда таълим олишса яхши-да. Мактабнинг ички йўлаклари

ҲАҒСАЛАСИЗЛИК

бўйлаб бораётиб, деворлардаги эълону маълумотлар тахта-ларига кўзимиз тушди. Лекин улардан ҳеч бир маълумот ололмайсиз. Мактаб маъмурияти "Халқ таълими ходимлари меҳнатига ҳақ тўлашининг такомиллаштирилган тизимини тасдиқлаш тўғрисида"ги қарор ва "Фуқароларнинг муҳожаатлари тўғрисида"ги Қонун борлигини билишар экан-у, лекин уларнинг мазмун-моҳияти билан таниш эмаслар чоғи. Бу тахта-лар ҳам бўм-бўш. "Ҳаётинг ўз қўлингда" ва "Мактаб ҳаёти"дан ҳикоя қилувчи бўлимда ҳам жўяли маълумот топилмайди. Айниқса, "Бизнинг аълочиларимиз" деб номланган тахтага

бирон ўқувчининг сурати қўйилмаганидан жуда ажабландик. Қизик, мактабда аълочи ва намунали ўқувчининг ўзи йўқми? Таълим ва тарбия жараёни шу даражада сустми? Ёки бу оддий ҳағсаласизликми?

Мактабда фаоллар хонаси ва спорт зали йўқ. Бино иситилмади, шунга қарамай, ўқитувчилар қалин устки кийимларда дарс ўтаяпти. Компьютер хонаси билан танишмоқчи эдик. Лекин мактабдагилар ҳар қанча қидиринса ҳамки, хонанинг қалитини топа оlishмади. Нима, мактабда компьютер саводхонлиги дарслари ўтилмайди?

Дарвоқе, туман халқ таълими ва давлат санитария-эпидемиология назорати бўлимидаги мактабда шундай муаммолар борлигини билишармикин? Сув бўлмаган жойда касалликлар тарқалиши таъин-ку. Назарбек қишлоғи аҳли ишонч билдириб, сайлаб қўйган депутатларчи? Улар ёш авлод таълим олаётган мазкур мактаб муаммолардан хабардормилар? Умуман, бу мактабга ҳеч келишганими ўзи?

Хуршида ТУРСУНБЕКОВА, **Даврон АҲМЕДОВ,** "Тошкент ҳақиқати" муҳриллари.

СУРАТЛАРДА: мактаб деворларидаги бўм-бўш тахталар.



